

مشتاقنامه

مطبعة و محل اداره :

جمال اوغلانده امنیت
مندیوخی جوارنده
شنگول یقوشنده
۲۵ نومبر

سلک زه موافق آثار
جدیده مع الممنونه
قبول اولتور

درج ایمله یین آثار اعاده اولتور.

دیه ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه و بحث ایدرو هفتده به نشر اولتور.

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

۱۰ تموز ۳۲۴

در سعادتده نسخہ سی ۵۰ یاره در

قیرله دن مقوا بورو ایله کوندریلمیرسه سنوی
۲۰ غروش فضله آلتیر

عدد : ۱۸۱

۴ ربیع الاول ۱۳۳۰ پنجشنبه

۹ شباط ۱۳۲۷

یدنجی جلد

بوکون اونور فضیلت نهدن پاریدلما یور ؟
 نه دن علوم وفنون یکانه مرجع ایکن
 بوکون او مدرسه لرده اوقونما یور هر فن ؟
 روامیدر طلبه صرف ونحوه آلتی سنه
 عزیز وقتنی صرف ایله سین ده صوکره یینه
 عریجه آکلاماسین ، قالسین او یله بیکانه
 وصوکره منطق ایچون لاقول بش آلتی سنه
 طالب شروح و حواشی به صرف عمر ایتسین ،
 یازیق نهدن بوشه وقتی تباد اولوب کیتسین ؟
 « مصنفک سوزینه سید اعتراض ایدیور
 عصام شویله دیور . مفتی زاده شویله دیور »
 کبی مناقشه به وقتنیز مساعدی ؟
 نه دن برافقایورزبو اصول تعلیمی ؟
 نه دن بو عصر تجدد بزیینه حالا
 او اسکی ، اکسیک اصولک ترنماتیه
 - یتشمه یور کبی - او یله میریلدانوب طوردم ؟
 قولاقلری او بابات نغمه لرله طولدوره لم .
 بوکون او کهنه اصولی اکر برافقازسه ق ،
 ترقیات نوین زمانه باقازسه ق ،
 بوکونکی حال فلا کتده قالمایزالکیز ،
 حسیض مسکنت و ذلته یووارلانیز .
 براز اوساخته تعصبری - طاریلایه رق -
 آتوبده . بر طرفه منصفانه بر باقسه ق ،
 نه مز وار اورته ده ؟ .. وارسه ، موفقیتنیز
 شو بیلکیزلکمیز ، شهه سز شو غفلتمیز ،
 فنون حاضرده دن یوق بضاعه مزدرده ،
 علوم عالیهدن بی نصیب وبی بهره ...
 یازیق که بیلیم یورزبوز وجود انسانک
 تشکلاتی حالا ، قرون وسطانک
 او اسکیمش نظریاتی ، او عصر دیده
 کتاب حکمتی کز مکده درایا دیده .
 اصول وفقه و کلام وحديث و تفسیره
 کلنجه : یوق یینه برشی ، او یله بی بهره ...
 اکر او حضرت قرآنه آشنالغمز .
 اولایدی ، اولماز ایدی بویله بینوالغمز
 اودر بزی « وکاین من آیه ... » له عتاب
 ایدن ، فنونه بزی سوق ایدن اوت . او کتاب .
 اکر اونک سوزینه ، حکمنه رعایتله
 چالیشمش اولسه ایدک بویله قهر و ذلته
 یاشار ، و بویله خطرناک حاله ، پک مهلاک

حسیض عجزه ، فلا کتله دوشرمیدک ؟
 یتر اویانمالی آرتق ، یتر بو غفلتله
 اویانمالی وطنی صارمادن فلا کتله ! ..

قونیه : ابن حازم نعیم

مباحثات

آچیق جواب

سیواسده سلیم افندی زاده مصطفی تقی افندی به

افندم ! مکتوبکیزی اوقودم . عاجزانه کشف و اظهارینه چالیشمده
 اولدیغم بر حقیقت قرآنیه نیک پک تحف اعتراضلره دوچار اولمسی ، هله
 - ذاتاً صوکره درجه ضعیف اولان - حیات دینی مزه مهلاک خنجرلر
 صوقمسی تأسف لرله ، تأثرلرله تلقی به شایاندر . ایشته بوکبی حاللریمزدر ، که
 اعدامز امید و جسارت قبولری آر دینه قدر آچیور !

عزیزم ! امر جلیل اعدادک برا کثرت عظیمه طرفندن ترکی اقلیت
 مطیع نیک ده آنلره اقتداسنی استلزام ایده مز . قرآن حکیم عمومه امر
 ایدر ، اطاعت و انقیاد ایدنلر فریضه مکلفه دینی لرینی ایفا ایتش و مسئولیتدن
 قورتولش اولورلر . عاصیلر ایچین ایسه حزا طبعیدر .

نمازی ده ترک ایدنلر - مع التأسف یوزده سکیان نسبتنده بر -
 اکثریت عظیمه تشکیل ایدیورلر . بونلر نماز قیلمیورلر دیه اقلیت
 مطیعده نمازلری ترک ایتسینلر ، بایدوس دیه - ذاتاً غریب
 قالان - جامعلرک قبولری چکوب بسبتون قاباسینلرمی ؟ امر نقطه سندن
 نمازله اعداد قوتک نه فرقی وار ؛ ایکسینک ده آمری حضرت قرآن حکیم .
 معلومدر ، که (کلام نفسی) بردر . تعدد و تنوع شانندن منزله
 و متعالیدر . امره ، نهیه ، خبره ، استفهامه ، ندایه انقسامی (کلام
 لفظی) به مدلول اولمسی و خارجه تعلق اعتباریله در . بناءً علیه بر امرک
 - قصداً - عدم ایفاسی بوتون امرلرک ترکی دیمکدر . آمرک امرینه
 قارشی مأمورده حق اختیار یوقدر .

(وما کان لمؤمن ولا مؤمنة - اذا قضی الله ورسوله امراً - ان یتکون
 لهم الخیرة من امرهم) مؤمنلردن - ارکک ، قادین - هیچ برینک حدینه
 دوشمه مشدر ، که رسول الله (علیه الصلاة والسلام) بر امری حکم ایتدیکی
 وقت او حکمه قارشی کندیسند ایتدیکی هر هانکی برشی اختیار ایتک ،
 کندی آرزوسنی امر جلیل محمدی به ترجیح ایتک حق تصور ایتسین .
 الله بوتربیه سزلکی ، بوسر کشلکی قطعاً منع و تحریم ایدر .

(ومن یعص الله ورسوله فقط ضل ضلالاً مبیناً) هر کیم الله ورسول
 دیشانک امرینه - کندی آرزوی کیفیسی اختیار و ترجیح ایتک
 صورتیله - عصیان ایدر سه محقق صراط مستقیمدن چیقمش ، اللهم قهر
 و جلالتنه آووج آچش اولور . سورة جلیله احزاب
 (فلیحذر الذین یخالفون عن امره ان تصیبه فتنه او یصیبه عذاب

الیم . () اللهک - یاخود رسول علو شانک - امرینه مخالفت وایفاسندن
اعراض ایدنلر دنیاده دشمن قلیچی آلتته دوشمک ، زنجیر اسارتنه
کرفتار اولوق ، ذلت ومسکنتله آیاقلری آلتنده سورونمک ، وامثالی
فتنه ومصیبتلردن ، یاخود آخرتده الم افروز ، هول انکیز عذاب قهر
وغضبندن حذر ایتسینلر ! سورة جلیله نور . »

کورولیوریا : الله ورسول اللهک امرینه مخالفتک جزاسی نه قدر آغیر !
شیمدی سز اعداد قوت امر قرأیسنک بوتون امرلره رجحان وتقوقتی
تقدیر وتسلیم ایله برابر اکثریت عظیمه مزک بونی ایفا ایتمه مسی اقلیت
مطیعه ایچین بر معذرت کی تلقی ایتک ایستیورسکز !

خیر ! اقلیت مطیعه ایچین بو بر معذرت اوله ماز . اکثریت ، تارک
صلاة ... دیه بنده نمازی ترک ایدم . بن ، وظیفه مه ، مقصدک تحصیلنه
قوشارم ، کوجم یتدیکی قدر دینداشلریمی ایفاظ وتشویقه چالشریم . آوازم
چیقدی قی قدر فریاد ایدم ! آلدیر میانلر وقوش میانلر عاقبتلری دوشونسون .
ایشته اعدای دین کایور . قوتیز یوق ! اعداد قوتی الله ، امر بیوریور . بو امر ،
اعتقاداً و عملاً واجب و عاجل . بو امر ، یالکیز اعدای حالی دکل آ
خصمای استقبالی ده ترهیب وتنکیل ایده جک بر درجه کمالده (قوة) نظم
جلیلنک بوتون مدلولاتی - استطاعتک صوک نقطه امکانه قدر - اعداد
واحضاری ناطقدر .

(قوة) : بو نظم آلهینک عموم و شمول معناسی دوشونولسون !
مادی ، معنوی (قوة) نامنی حائر هر شیئک احضاری عاجلاً
فرض .

صوکرا بو (قوة) ک وجودی سائر عبادات مالیه نک شرائط وجوبی
میاننده اختیاری دکل ، وجوباً شرط ، چونکه اساساً کندیسی بر امر تعجیل
ایله مأمور بهادر . مسکن ده عبادات مالیه نک شرائط وجوبندنر . فقط
قوة کی دکل . کذا خدمه ده شرائط مذکوره میاننده در . لکن خدمتی
بولوندر یلمسی فرض دکل . بو ، سعادت حیاتک تأمین نامنه جناب حقک
بر عنایت مخصوصه سی اوله رق حوایج اصلیه میاننده بولونیور . یوقسه
انسان خدمتچیسزده یاشایه بیلیر . بو امر ، که شرائطه تابعدر : شرط
اولمازسه مشروط اولورمی ؟ وقت : نمازک شرائط ایفاسندن بریدر .
وقت مخصوصه کیرمدن نماز قیلنه بیلیری ؟ البته قیلنه ماز .

اعداد قوة آیه جلیله سی مؤمنلره استطاعت مالیه وفعلیه لرینک
عاجلاً صرفی امر ایدیور . عبادات مالیه نک - تصدقه فطرینه قدر
- هپسی استطاعتله مقید . بو استطاعت تجزی و انقسام قبول
ایدرمی ؟ حوایج اصلیه سندن فضله - مثلاً - ایکی یوز ایراسی
اولان بر مؤمنک استطاعت شرعیه سی بونک مجموعندن عبارت دکلکی ؟
آمر ، ایشته بو استطاعتک درحال اعداد قوته صرفی امر ایدیور ،
یوقسه بر قسمی زکاته ، حجه ، قربانه ، صدقه فطره آیرمسی دکل . اعداد
قوتک بو عبادات مالیه نک شرائط وجوبندن معدود اولمسی ده دلیل
دیگردر . اعداد قوة زکاتک ، حجک فرض ، قربانک ، صدقه فطرک

واجب اولمسی ایچین شرطدر ، شرط وجوبیدر . یعنی : ایفاسی واجب
بر شرطدر . شرط اولمینجه مشروطده اولماز . دیمک اعدای دینی
- حالاً و استقبلاً - ترهیب وتنکیل ایده جک درجه ده قوتیز اولمازسه ،
بو شرط موجود بولونمازسه زکاتده ، حج ده ، قربانده ، صدقه
فطرده اوله ماز . امرک توجهی شرطنک وجودینه وابسته . ایشته عبادات
مالیه نک فرض ویا واجب اولمسی وقتی (قوة) نظم جلیلنک مدلولاتی
تمامیه اعداد واحضار اولونمش بولوندی زماندر .

بو زمان ، او عبادات مالیه نک اغنیایه توجه ایتدیکی دقیقه در .
بو دقیقه نک حولندن اول زکاة ویرمک ، حجه کیتمک ، قربان کسمک
عینیله مثلاً نمازی وقتندن اول قیلمق کیدر .

آمر ، اعداد قوتی امر ایدیور ، سن بونکله مشغول ایکن تماماً
ایفاوا کمال ایتدن بونک مشروطلردن برینی فصل ایفایه حقک اوله بیلیر ؟
مثلاً اوکله نمازی قیلارکن آنی ایکنجی ویا اوچنجی رکعتده بر اقوب
وقت ده بر قاچ ساعت اولان ایکندی نمازینه فصل دورا بیلیرسک ؟
آمرک مطلوب عاجلی امرک تمامیمی ؟ نقصانیمی ؟ جناب حق (واعدوا
لهم ما استطعتم من قوة) جهه امریه سیله اکتفا بویورمیورده (ومن رباط الخیل)
سوار بلیکی ، حیوان تربیه و تعلیمی . بناء علیه خارا تأسیس ایدرک سواری ،
طویحی ، نقلیه صنفلری ایچین حیوان یتیشدیر مکی ده اونو تمیکز ! اونو ده امر
ایدیورم . (ترهون بن عدو الله وعدوكم .) بونکله بنم وسرک دشمنلری میزنی
ترهیب ایده جکسیکز ؛ یعنی : حال تعرضی به کچه جک قدر قوة اعدادینه
مستطیع ومتقدر ایکن بونی حال تدافعی به قصر ایتیه جکسیکز ! زیرا
حال تدافعی اعدایه قارشى ضعف و عجزدر . شوکت اسلامیه نک دشمنه
انحناسیدر . بن سرک بویه عجز وضعف ایچنده قالمکزه قطعاً راضی
دکل . اعدای قهر وتنکیل ایده جک درجه ده قوتی بولونمکزی و بو
اوغورده بوتون استطاعت مالیه وفعلیه کزی عاجلاً صرف ایتمکزی
کمال اهمیتله امر ایدیورم .

همده بو قوة قاهره نک یالکیز حال حربده بولوندیغکز اعدایه ده
منحصر قالمسی ایسته م . (وآخرین من دونه لا تعلمونهم ! الله يعلمهم .)
بولردن - یعنی : حال حربده بولوندیغکز اعدا کزدن - باشقا خصمای
استقبال کزی ده قهر وتنکیل ایده جک درجه ده اوله حق . سز اونلری
- نقاب صلح ومسالمته (؟) مستور اولدقلری ایچین - بلزسکز ! اونلرک
او ساخته نقاب ودادی آتوب اوزریکزه هجوم ایده جکلی زمانی الله
بیلیر . الله ، اونلرک بوتون اسرار قلبیه لرینه مظهردر . علیکزه
بسلمکده اولدقلری بوتون آمال شیطنت کارانه لرینه واقفدر . هایدی
سز - ای مؤمن قولارم ! - چابوق اولیکز ! فرصتی فوت ایتیکز !
امریمه مخالفت ایتیکزه ، دوچار فتن ومصائب اولیه سکز ! سز ،
دشمنلر بکزدن دکل ، آنلر سزدن قورقسونلر ! سورة جلیله انفال . «
بویوریور . بوقدر قیود ایله مقید اولان امر جلیل برده زکاة وحجک .
قربان وصدقه فطرک شرائط وجوبی میاننده بر موقع مستثنای وجوبده
بولونورکن بویفا واکمال اولونمدن توته کیلرک واجب اجرا عدا اولونملرینه
بر درلو عقل ایردیره میورم .

یوقاریده سولیم: وقتندن اول نماز قیلنماز، چوتکه وقت، نمازک شرائط وجوبندن، وجوب اداسندنر. هنوز خطاب الهی توجه ایتمه مش. ظرفسز مظلوف اولور می؟

وجوب اداسی دیگر بر امر وجوبی وفورینک بوتون قیودیه تمامی ایفاسنه معلق اولان بر امر مستقبل عبدک کنذیلکنندن ایجابی نصل جائز اوله بیلیر؟ بو بر نوع اختیار دیمک دکلکی؟

اصول فقه دیورکه: «الامر بالشئ یستلزم تحریم ضده» ان فوت المقصوده. بر شیه امر، ضدینک - اگر مقصودیهک فواتی موجب اولیورسه - تحریمی استلزام ایدر. بو ضد هر نه اولورسه اولسون؛ مادامکه مأموریهک اضاعه سنی موجب اولیور، حرامدر. نماز فرض عین ایکن نمازده بولونان بر مؤمن حیاتی تهلیکهیه دوشن بر آدمک امدادینه قوشمق ایچین نمازی او آنده بوزمی فرض اولیور. اجابت، فرض عاجل اولونجه - او آن ایچین - نمازده قلمسی قطعاً حرام اولیور. آمر دیورکه: «در حال نمازی بوز: مستغیثک امدادینه قوش! قورتار! صوکر! نمازیکی استینافاً قیل!» چونکه مستغیث بکله مز. نولور کیدر. مقصود ایه آنک حفظ حیاتیدر. نماز بو مقصودک فواتی موجب اولدینی ایچین فرض ایکن اوزرندهکی او قدر مقدس بر وصف وجوبی - موقتاً - حرمته منقلب اولیور.

اعداد قوت امر وجوبیسیده تعجیلی. مؤمن، استطاعتی عاجلاً بوکا صرف ایله مکلف و مشغول. بونک فواتی موجب هر هانکی بر شی، ضدیدر. او حالد استلزاماً حرامدر. اعداد قوتله مشغول ایکن سائر عبادات مالیه ایلده اشتغاله قالمیشیه مقصودی فوت ایتش اوله جغز: اعدا کله جک، وطنمزی استیلا ایده جک. ایشته بو حکمته مبنیدر، که اعداد قوت، زکاة و حجک، قربان و صدقه فطرک شرائط وجوبی میانه کیریور. و بونلر ایله خطابک مکلفه توجهنی کنذینک تمامی حصوله تعلیق ایدیور.

بزم مرجع استقامت فقه دکلکی؟ فقه، مسئلهی بر لسان وضوحه فصل ایدیور. شرط وارسه مشروطده وار. یوقسه یوق. فقه بونی ده نصل اکلالتسین؟

بر طرفدن علم جلیل اصول آیت کریمه اعدادی تحلیل واره ایدر. بر طرفدن فقه فنواسی ویریر. بر طرفدن دشمن قانلی طیرناقلینی جکرلریزه صوقش بارچه لارکن بزم امر الهییه مخالفتمز فتنهیه، مصیبتیه، فلا کته آووج آحق دکلده ندر؟

بیلیم اکلالته بیلیمیم؟ اعداد قوتله عبادات مالیه عینی زمانده اجتماع ایدمه. چونکه اعداد قوت، عبادات مالیه نک شرط وجوبیدر. مشروطک وجودی شرطک وجودینه معلقدر. هنوز وقتی کیرمه مش، خطاب توجه ایتمه مش بر امر مستقبلک ایجابنه عبدک حق اختیاری یوقدر. خطابک توجهنی بکله مک مجبور. ایشته سزک نظریه کزک جوابی!

بوراده اصل مناقشه ایدیه جک، امر اعدادک تطبیق جهتیدر. مخالفلم بونقطه دن اعتراض ایده بیلیرلر و جوابی آلیرلردی. قاردم!

بن، ادعای فضیلت و فضاوت ایتیورم. بن، بر حقیقت قرآنیه سولیورم. اللهم، پیغمبری، دینی، قرآنی سهودیکم ایچین وطن اسلامک آلامیه متالم اولیورم. بن، عبادات مالیهی قالدیریکز، بونلرک - حاشا! - اصلی فصلی یوق دیمه یورم. سوز اکلایان یوق، که...! احکام جلیله دینییه صوم و صلاة، حج وز کاتدن عبارت ظن ایدن صقاللی مکتب ابتدائیه بیکلری «ای سن حج وز کاتی قالدیر - یورسین!» دیه چیلغنه سینه هجوم ایدیورلر. بونلرک بر قسمی ایتالیانک طرابلسه هجوم نا کهایینی بر درجهیه قدر او یانیدر دینی حالد بر قسمی آلان عناد لرنده مصر!؟ معاذ الله اعدای دین استانبولی ضبط ایتسه و آیاصوفیه قبه سی اوزرینه صلیب اعظمی دیکسه ینه عناد لرندن واز کچمه جکک. بو حقیقتی اکلایان ایچین اون یاشندهکی بر مکتب چوخی بیلده بودرجه ایضاحاتی زائد کوریرکن بونلرک بر دورلو اکلایاناملرینه اکلایان ایستمدیکلری صورتندن باشقا نه معنی ویریه بیلیر؟

امر جلیل اعدادک تطبیق جهته کلنجه بونک طبعی در، که قرآن حکیمک بر امر سیاسییدر. بدیهیدر که بوامرک اجرایی امیر المؤمنینه و حکومت مشروطه سینه عائددر. فقط باق کچیک مقاله جوابیه مدهده دیدیکم کبی خزینه یوز الی ملیون لیرالق تحمل سوز بر ثقات دیون آلتنده ازیلکده، درت طرفدن وطن اسلامه، حیات دینییه، روح مقدسه خلافتیه هجوملر ایدیلکده. و کیتدکجه شدتلی زیاده لشدریلکده، وطن اسلام محقق بر تهلیکه استیلا قارشینده تیره مکده! ملک قرآن آتشلر ایچنده یا نمدهده خانه یانارکن اسباب احتراق مناقشه ایدیلر. اولا یاغین سوندیریلیر. نه یایله جقه صوکر ایا بیلیر. طقسان اوچدن بیک قات فاجع بر هجرتده ایاستیریمز؟ الله کوستر مه سین! اوله ایه فرصت ایکن بو هائل مصیبتک نونه کچمه نک چارده سینه باقیه لی! فلاکت هیچ بر وقت کله جککنی انسانلره خبر ویرمه مش. بیلدیرم کبی آنسزین پاطلار. هنر: سماء بلوطلر طویلا نوب کثافت پیدا ایتمه دن، شمشکدر چاقغه باشلامدن سپر صاعقه نی تدارک ایتکدر.

حالبوکه بوتون آفاق وطنی. دأراً مادر سیاه قورقونج بلوطلر قابلا مش! طرابلس افق قان و آتش - رنکلی کوستریور. رعد و برق قولاقلریمزی چینلاتیور. کوزلریمزی قاماشدیوریور. بز ایه صاغرلری، باقار کورلری، ایاقده کزر جانلی موتالری تنظیر ایدیورلر. حکومت بوغازینه قدر دیونه مستغرق بر خزینه ایله نه یایه بیلیر. ینه ارباب استطاعته مراجعت دکلکی؟ بوراده بعض اینین و فریادلر وار، که بن آنلری روحک ایچنده صاقلامیه مجبورم. انلر بعضاً قانلی یاشه منقلب اوله رق آتش دامهلری کبی قلب اوزرینه دوشر. کوزلره هجوم ایدر، چیقار! بو مبارک وطنک هجومه استیلایه معروض قلمسی اسلام اولدینی ایچین دکلکی؟

باقیکز اسکی طونه ولایتز کیملرک ضررینه بولغارستان اولدی؟ اوراده ملت حاکمه اسلام ایدی. یاشمدی ده اسلام می؟ بر زمان بزم وطنداش دیدیکمز طونه بولغارلری شیمدی مستقل بر ملت! بر ملت حاکمه! بر حکومت خرسینییه! اوراده ترک ایتدیکمز زواللی مسلمانجقلر ایه

امت محکومه ! بولغار تبعه سی ! دون حاکم ایکن بوکون محکوم ! دون عزیز ایکن بوکون ذلیل ! دون حر ایکن بوکون اسیر !

کریده ، او یورکلر آجیسی عثمانلی (؟) آطه سنده کی دینداشلریمز وحشت پنجه لری آلتنده ، افتراس طیرناقلری آراسنده پارالانمده !

نه ... بر انسانک - ولو غیر مسلمده اولسه - حیاتی قورتارمق ایچین درحال نمازک ترکی تحریر ایدن الله ؛ آغیلره قایاتیلیمش ، ایکشر اوچر ، ددر بشر کیلین قویونلری تنظیر ایدن بیکلرجه اهل توحیدک امدادلرینه قوشمق ایچین - آیت اعداد اولسه بیله - زده عبادات مالیه نک تأخیری امر ، آنلری موقه تحریم ایتمی ؟ انصاف ... ! انصاف ... ! حج وزکات هیچ بروقت صلاتک فوقنده دکدر . بعدالایمان افضل عبادات نمازدر . بر آدمک حیاتی ایچین نماز تحریم بو یوریلنجه حج وزکاة اولی بالطریق اولق لازم کلزمی ؟ هله وجوبی عمل دائره سندن خارجه چیقامه یان قربان وده دقه فطر زده قالیر ؟

عبادات مالیه نک حکمت تشریع لری ، نه قدر علوی برز فریضه اجتماعیه اولدقلری تقدیر ایتمک لازم . حضرت الله ، حکمیدر . هر امری ، هر نهی عینی حکمتدر . بونلرک حکمت تشریع لری اکتاتمق ایچین جلدلرله کتابلر یازیلسه ینه کفایت ایتمز .

جواب ، آهلم ، اینلرم کی اوزادی . درد ، مرض ، او قدر مزمن ، که تدایسی انحق اللهک شفای عاجلنه قالمش ، اعدای استقبالمز میاننده اوچوز سنه لک بر خضم غالبمز (؟) اولقله هپسنگ فوقنده منفرد بر موقع عداوتی اولان روس یارین حدود مزنی تجاوز ایدرسه نه یاباریز ؟ روسک (قارص ؟) ه قدر مکمل سوق الجیش خط حدیدیسی وار . یکرمی درت ساعت طرفنده اردولری حدود مزه کوندریر . بزم شمدوفریمز یوق . دشمندن اول سلاحلار مازسه قینه نافله ! جبری یورویشله انحق ساعتده یدی کیلو متره کیدیله بیلیر . شمدوفر ایسه ساعتده آلتش کیلو متره قطع ایدر . عسکری اوتوردینی رده بر خطوه آتمق سزین ، یورولق سزین کوتوریر . عسکر شمدوفر دن اینر . درحال خصمک استقبالنه قوشار . بزم عسکریمز ایسه کونلرجه - چافطه صیرتنده ، تفنگ اوموزنده ، ایکوز فشنگ ده بلنده ، بویننده اولدینی حالده - کونلرجه یورومکه محکوم . دشمن - معاذ الله ! - ارضرومی چیکر ، ارزنجانه ، بلکه ده بایبورده کلیر ، حتی بلکه ده سیواسه یا قلاشیر . شهرلر ، قصبه لر ، بیکلرجه کوبلر آتله قان اراسنده یوزر . فرض ایدم ، که صوترا بز قهر ایتش زده تفایسه قدر سورمشز . وطنک بر قسمی خاکستره دوندکن ، بیکلرجه اخوان دین عائله لریله ، جکر پاره لریله ، قازاقلرک مزراقلرینه قربان اولدقن صوکر قاج پاره ایدر . مادامکه دشمنی تفلیسه قدر سورده جک قوتمز وار . بوقوتی وقتنده ، دقیقه سنده حدودیمزده بولونمق اوزره وسائط سریعه سوق الجیشیه مالک اولسه قده هیچ بر دین قاردشمزک بورنی بیله قانامسه ... !

شمدوفر (قوة) نظم جلیلنک مسمیات ومدلولاتی میاننده عاجلاً انشا واحضاری فرض دکلی ؟ بونک عاجلاً انشاسنی امر ایدن جناب

قرآن « اجنبی قومپانیه لرینه : ؟ » می یابدیریکز دیبور ؟ شمدوفرلر وطنک جان دامارلریدر . انسان جان دامارینی دشمنه تسلیم ایدرمی ؟ شمدوفرلری اجنبی قومپانیه لرینه یابدیران - بزدن باشقا ! ؟ - هانکی ملت کوستریله بیلیر ؟

دها دونکی بولغارستان ، بوتون شمدوفرلری حکومتک ! شمدی آنقره ، سیواس ، ارضروم ، طرزون حتی قسطنطنی ولایتلرینک زینکینلری بر شرکت تشکیل ایتسه لرده آنقره دن سیواس ، بایبورده ، ارزنجان طریقله ارضرومه قدر خطی کوتورسه لر ، اک مهم نقاط سوق الجیشیه برر قول اوزاتسه لر ، عسکریمز - حین حاجتده - بر دامله تر دوکمک سزین حدوده قدر شمدوفرله کیتسه ... صوکر او حیات اقتصادیمز ، که سعادت ملیه و وطنیه مزک روحیدر ، جانلارنه بزه خزان فطرتک ملیونلرجه آلتونلری صاجسه ... ! دشمنلریمزده کین وحسدلرندن چانلارله ! آه ... !

باقیکز ! باقیکز ! اعداد قوه امر جلیل قرآن سنده کی اوبی پایان فیوض سعادت باقیکز ! قارا دکزده ، آق دکزده ، بحر احمرده مکمل فیلولریمز جولان ایتسه بزده ناصیه شوکت و اجلالری یوکسلته رک کندی سفائن تجاریه مزله حجه کیتسه ک ، آق یوزله روضه مطهریه ، کعبه معظمیه عرض تقدیسات وتعظیات ایتسه ک !

بوکون بوتون آق دکز ، بحر احمر ایتالیا نک ! بوتون ساحلریمز اونک شوکت بحریه سی قارشیسنده تیره مکده ! بحر احمر یالیلری چایر چایر طوبه طوتیور . یاقیور ، ییقیر ، محو خراب ایدیور . کونک برنده جده بی ، ینوغی ده هدف تخریبات ایتیه جکنی ، حتی عسکر چیقارمیه جغنی کیم تأمین ایده بیلیر ؟ طرابلس غربی نا جان نه وندن ووریور . چشمه لر دره لر کی قان تولدیر یور .

قرآن حکیم ده بزه « عاجلاً قوه تدارک ایدیکز ! وطنک زک ولور ذره خاکنی اعدا کزه تخریب ایتدیرمیکز ! » دیه فریاد ایدیور . بزده حیات طیبه دینه قالمش . هیچ اموریمزده بیله دکل . بر بیغین انسان ! « تحسبهم جیعاً و قلوبهم شتی ! »

تزیف الهیسی صانکه - حاشا ! - بزم شقاق ونفاقری وصف ایدیور !

اک زیاده علمانک یک آواز باغیرمسی ، امت محمدی ایقاظ وارشاد ایتسی لازم کلیرکن اولر بوغاز بوغاز ، غیرتلاق غیرتلاغه ! بر قسمی اویقوده ، بر قسمی ده فقرته مزوج حیرتلر ایچنده !

یارب ! کوریورسک : قارنجه قدر دکری اولیان شوکتر قولک حق وحقیقت اوله رق بلدیکی امر جلیلکی تبلیغه چالیشیور ! یارین حقن سکوت ایدن دیلسز شیطانلر میاننده حشر ایتمه اللهم ! آلائی مفتیسی

محمد فخر الدین